

Fortificando relacion di partner entre Universidad di Aruba cu University of South Carolina

Ta habri posibilidad pa Online Degree Program

ORANJESTAD - Diahuebs ultimo a tuma luga un reunion entre Minister di Enseñansa, Universidad di Aruba (UA) y University of South Carolina (USC) pa discuti e colaboracion existente entre e institucionan di enseñansa superior y e oportunidad y posibilidad pa continuacion y ampliacion di nan relacion como partner. Actualmente Universidad di Aruba ta conta cu USC como socio pa cu e Hospitality Faculty, cu a wordo estableci na 2011 y ta encera intercambio di docente y estudiante y colaboracion riba nivel di investigacion, didactica y curriculum.

E colaboracion aki a resulta den un relacion di trabao fructifero pa tur dos instituto, e experiencia di tur dos partido ta uno positivo y nan ta wak diferente oportunidad y beneficio pa sigui expande e areanan di colaboracion cu otro. University of South Carolina ta un universidad bon reconoci na Merca y ta score entre e top universidadnan den e estadonan den e parti sur di e pais.

"Ta esencial pa Universidad di Aruba tin partnernan in-

ternacional cu bon number, cu ta reconoci y tin un base amplio manera University of South Carolina. E beneficiannan ta mutuo pa establece colaboracion structural y asina cada un ta siña di otro y comparti experiencia y conocimiento riba diferente tereno. Nos studentenan ta y por beneficia enormemente di relacionnan asina, cu ta yuda aumenta nan experiencia pa nan estudio. Nos mester sigui reenforza y fomenta relacionnan manera esun cu nos universidad tin cu USC, cual ta presenta oportunidadnan adicional y unico pa studiantenan cu a scoge pa cuminsa y of sigui un carera universitario na Aruba," Minister Michelle Hooyboer-Winklaar a subraya.

Representando University of South Carolina su School of Hotel, Restaurant and Tourism Management tabata Dr. Robin DiPietro, kende ta asociando profesor y director di International Institute of Foodservice Research and Education. Di parti di Universidad di Aruba tabata presente Glenn Thode, rector; Patrick Arens, business di-



rector, John Wardlaw, decano di e facultad di hospitalidad y turismo y Dr. Ryan Peterson, profesor.

Entre e topiconan discuti tabata e posibilidad pa introduci pa studiantenan di Aruba un areglo unda cu nan lo por atende e universidad pagando un "in-state tuition fee". Banda di esaki ta existi e posibilidad pa nos studente drenta un Online Program cu ta wordo ofrece na USC. "Esaki ta habri un oportunidad enorme pa estudiante-

nan cu kier studia na nivel di Universidad pero pa varios motibo no por of kier ta fisicamente na scol. Esaki lo Duna studiantenan cu limitacionnan fisico un oportunidad pa sigui studia." Minister Hooyboer-Winklaar a indica. Un areglo asina, cu ta ofrece e estudiante Arubiano e mesun descuento riba su "collegegeld" cu e estudiante di South Carolina ta haya, ta haci e universidad aki atractivo pa nos studiantenan cu kier sigui un estudio of parti

di nan estudio na Merca.

A discuti diferente topico, e combersacionnan ta sigui y ta spera cu por yega na amplia y reenforza e relacion entre e partnernan na beneficio di studiantenan di tur dos instituto.

Minister Hooyboer-Winklaar tin como un di su prioridad pa sigui amplia e opcionnan den exterior pa ofrece e estudiante di Aruba mas opcion y oportunidadnan pa sigui un estudio superior den y pafó di nos region. □